



Selasa, 22 September 2020

Ogen: Job 1:6-12



CARA NGIDAH KINISERAN



Cerita kerna masa-masa senang kegeluhen Jop ras jabuna terjeng 5 ayat ngenca ituriken i bas pasal 1. Benaken ayat 6 seh 22 turi-turinna enggo petembil. Percakapen Tuhan ras iblis erbahansa kegeluhen Jop lanai bali ras si gelgel. I ja nari kam nina Tuhan man iblis, "niar-niar doni, me dahin iblis, ku jah ku je ndarami si banci ijerngemna.

I je tersinget Tuhan kerna Jop, iperdiatekenndu ka nge suruh-suruhanku Jop? Iblis njabab Tuhan nina, "labo ia ngasup mpertanggungjawabken kinitekenna adi la kin ban kawalindu isi jabu ras sikerajangenNa, bicara buatNdu kerina, uga pe sumpahina kam. Sibuktiken nina Tuhan. Ibereken Tuhan tanggung jawab man Jop guna mbuktiken maka iblis salah, janah tuhu kiniteken Jop paguh ras bersih man Tuhan. Emaka mesangat kejadi si reh man Jop, 10 anakna mate bagepe kerina kinilitenna ceda ras bene irebut kalak. Iblis make dua cara meneken Jop, eme manusia bagepe alam. Kepeken tetap nge iperdiateken Tuhan kalak si bujur bas ndalani kegeluhen. Amin lit paksana iperdiatekenNa kita ndalani kiniseran, tapi lalap nge iberekenNa gegeh ngalakensa, gelah tuhu-tuhu teridah kinitekenta paguh ras jadi kesaksin ku sekelewetta.

Biak megegeng, la numpahi Dibata, la putus asa ends me si perlu ipebelin. Tuhan tetap nemani.

I bas kita ngalaken kiniseran, rusur kal si jadi e si akap ukumen i bas Dibata nari, emaka si darami rusur kai ngenda salahta man Tuhan, tapi banci jadi bagi turi-turin Jop enda. Ipediat Tuhan kerina terjadi i bas rencanaNa, sabap tek IA ngasup kita ngalakenca, megegeh kita. Sura-sura Tuhan bas litna perbeben e tetap paguh kinitekenta, la situndalken IA. Enda me cara pandang si mbaru si perlu lit i bas kita ngalaken kiniseran. Dibata labo nadingken kita, labo tutup mata, tapi Ia terus njagai, nampati kita guna mbuktiken maka kemenangan e jadi man anak-anak Dibata si megegeng,